

本體經

淨心神咒

太上臺星 應變無停 驅邪縛魅 保命護身
智慧明淨 心神安寧 三魂永久 魄無喪傾
急急如律令

淨口神咒

丹朱口神 吐穢除氛 舌神正倫 通命養神
羅千齒神 卻邪衛真 喉神虎賁 炁神引津
心神丹元 令我通真 思神煉液 道炁常存
急急如律令

淨身神咒

靈寶天尊 安慰身形 弟子魂魄 五臟玄冥

青龍白虎 隊仗紛紜 朱雀玄武 侍衛我真
急急如律令

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守家庭 太上有命 搜捕邪精

護法神王 保衛誦經 皈依大道 元亨利貞
急急如律令

淨天地神咒

天地自然 穢氣紛散 洞中玄虛 晃朗太元
八方威神 使我自然 靈寶符命 普告九天
乾羅怛那 洞罡太玄 斬妖縛邪 殺鬼萬千

中山神咒 元始玉文 持誦一遍 卻鬼延年
按行五嶽 八海知聞 魔王束首 侍衛我軒
凶穢消散 道炁常存 急急如律令

祝香神咒

道繇心學 心假香傳 香爇玉爐 心存帝前
真靈下盼 仙旆臨軒 令臣關告 迳達九天

金光神咒

天地玄宗	萬氣本根	廣修萬劫	證吾神通
三界內外	惟吾獨尊	體有金光	覆映吾身
視之不見	聽之不聞	包羅天地	養育群生
受持萬遍	身有光明	三界侍衛	五帝司迎
萬神朝禮	役使雷霆	鬼妖喪膽	精怪亡形

內有霹靂 雷神隱名 洞慧交徹 五氣騰騰
金光速現 覆護真人 急急如
玉皇光降律令敕

三一教主願無邊 普度三千與大千
法界聞香咸頂禮 歸儒歸釋亦歸仙

志心皈命禮

我是開天都統行法大師。無始以來一人而已。釋迦與我比肩。諸極在我下方。我今現補釋迦佛位。龍華三會。普度人天。天地之內。天地之外。何處不是虛空。何處不是神。何處不是氣。何處不是我。三一教主夏午尼之金身。曾畫八卦易之始。

曾證涅槃了生死。曾為九天大宗王。曾為
九地大法主。珠在庫裏。諸佛議舉。帳飛
月輪。倡明三氏。豈其三氏。必歸之儒。
惟世間法。為世所需。能無深淺。道固不
殊。入孝出悌。非近非迂。鑿崑崙以為竅。
立太極以為基。參兩儀以為材。列四象以

為紀。金鐵混合。陰陽相符。炯炯二珠。
照耀六虛。既儕而尊。玉封而賓。法與權
俱得。百千億三金身。移居太極前。復位
無始先。百萬人一人。能動百萬神。天曰
天神。地曰地祇。七萬神將。七十九萬神
兵。赫赫其威。濯濯其靈。常擁護圍繞我

三一教主夏午尼之金身。天地效順。日月
效明。四時效序。鬼神效能。一發號令。
若雷若霆。如有天妖。地妖。人妖。物妖。
山妖。水妖。禽妖。獸妖。及諸依草附木
一切之妖。孰不悚懼。孰不戰兢。破膽裂
形。碎為微塵。金身金身。三妙法金身。

百千億三金身。無氣之氣。不神之神。常
充滿乎法界。何處不是我

三一教主夏午尼之本體。何處不是我
三一教主夏午尼之金身。

唵 金齒臨 玉齒臨 吽

吾奉

開天混虛無始至尊敕令

拜手稽首

儒仲尼氏執中一貫聖教度世大宗師

贊曰

道祖唐虞精一傳 周公夢寐契先天

春秋大義天王重 二百餘年南面權

唵 金齒臨 玉齒臨 吽

拜手稽首

道清尼氏守中得一玄教度世大宗師

贊曰

金臺玉局繞彤雲 上有真人稱老君

八十一化長生訣 五千餘言不朽文

唵 金齒臨 玉齒臨 吽

拜手稽首

釋牟尼氏空中歸一禪教度世大宗師

贊曰

雪山苦行六年多 自性金剛斷眾魔

四偈擘開千佛秘 瞿曇花下笑彌陀

唵 金齒臨 玉齒臨 吽

拜手稽首

夏午尼氏道統中一三教度世大宗師

贊曰

道脈相傳自有真 東山烏石現麒麟

混元五百三龍會 孔老釋迦合一身

唵 金齒臨 玉齒臨 吽

拜手稽首

三教門中。過去現在未來。一切諸賢。諸
聖。諸天。諸仙。諸佛。菩薩摩訶薩。

志心普請

普請三教諸護法 願赴懺筵作證明

今此真心常不退 生生世世禮慈尊

恭聞

三一教主。綱維午運。闡明道統。會三氏
於一身。通古今以一夏。虛空真宰。天人
大師。談經演教。乃法海之慈航。卻病傳
心。實利生之妙藥。隨方解縛。如願應求。

在在見不可思議之神通。人人沾不可測識
之福慧。望之如日。就之如雲。親之如慈
父。尊之如嚴君。聞風向化。到處生春。

輝輝朗朗。正氣流行。巍巍蕩蕩。法界咸
欽。行滿三祇。功超十地。無名無始。無
古無今。度天度地。度鬼度神。胎卵濕化。

悉皆滅度。凡有血氣。莫不尊親。某等躬
逢慧日。同沐洪波。雖信心之不怠。恐夙
業之牽纏。萬種愆尤。未能頓釋。千端罪
垢。何由救免。欲蕩滌以自新。須投誠而
懺悔。

恭對

金容一心頂禮。勿起邪心。勿為邪事。三
教先生。教我如此。若不如此。便是心死。
哀哉心死。孰若身死。住世百年。誰能不
死。身死心生。方為不死。

回 向

願以此功德 普及於一切

誦經保平安

消災益福壽

召集人 朱金坤

校訂 盧國濱 林如實

參校 陳性清 陳文樵 陳亞椿 陳麗星 許良生 李洪宗

黃文遠 黃秀英 王建設 凌朝暉 吳玉先 林坤林

李應金 溫明耀 鄭燦爐 鄭欽貴 張國章 邱添水

李德清 遊玉波 林瑞祿 劉文鳳 李金林 陳玉鳳

陳文玉 蔡國亮 李麗萍 曾洪德 曾秀瓊 朱金坤

排版打字 劉新尾 陳性清 鄭燦爐 鄭欽貴

捐資人 楓亭興華堂門人 朱金坤 徐良英（陸萬元）

蓋尾清山祠門人 林存芳（壹萬元）

貳零貳零年正月